

B. 25.

NATALEM LVI
SERENISSIMI POTENTISSIMIQUE PRINCIPIS
AC DOMINI DOMINI

GEORGII

MAGNÆ BRITANNIÆ, FRANCIÆ ET
HIBERNIÆ REGIS
DVCIS BRVNSVICENSIS ET LVNEBURGENSIS
S. ROMANI IMPERII ELECTORIS ATQVE ARCH-
THESAVRARI

REGIS ET DOMINI MVLTO INDVLGENTISSIMI
RECTORE MAGNIFICENTISSIMO
SERENISSIMO PRINCIPE AC DOMINO DOMINO

CAROLO

PRINCIPE BORVSSIÆ MARCHIONE BRANDENBVR-
BVRGICO DVCE MAGDEBVRGI CLIVIÆ IVLIACI MON-
TIVM STETINI POMERANIÆ CASSVBIORVM
VINIDORVM CETERA

DOMINO NOSTRO CLEMENTISSIMO
PERILLVSTRIS IUVENIS

CAROLVS LVDOLPHVS

LIBER BARO DE DANCKELMAN
ET PRANGIN
V. KALENDAS IUNIAS

DEMISISSIME GRATVLABVNDVS CELEBRABIT
AD QVOD SOLENNE OFFICIVM
OFFICIOSE ET PERHVMANITER

INVITAT
ACADEMIÆ PRO-RECTOR

IOANNES SPERLETTE
POTENTISSIMI BORVSSIÆ REGIS CONSILIARIVS COLONIÆ
GALLICÆ DIRECTOR ET PHILOSOPHÆ PRACTICÆ PROFESSOR
ORDINARIVS.

HALÆ MAGDEBVRGICÆ,
Litteris CHRISTIANI HENCKELII, Acad. Typogr.



PROGRAMMA.

RVSSIÆ REGIBVS fœdera: cogitat amicitiam arctissimam; ac boni denique omnes incredibili ad immortales tanti HEROIS laudes prædicandas ardore atque studio incensi signata & pietatis plenissima vota offerunt. Eo ipso autem cernitur, nihil esse apud populum quoque virtute illustrius, nihil prudentiæ, constantiæ ac singularis clementiæ opinione præstantius, nihil gravitate atque in Rempublicam meritis ad omne decus consequendum excellentius. Etsi enim non omnis multitudo statim recta Principum studia eorumque excelsa facta perspicit; tamen ea se ad claros spectatosque homines adiungit; eorumque testimoniis plausus suos adiicit, vt sapientum virorum præconia magnificentiora quadantenus efficiantur. Nam qui in communi omnium rerum perturbatione, in rebus desperatis, cum ad puluina omnes confugiunt ac supplicationes decernunt, velut ex machina opportune adveniunt, illi tanquam à Deo missi diuinisque copiis instructi merito considerantur, & veluti salutaria sidera orbi illucentia signum sperandæ faustitatis trepidantibus ostendunt. Quis vero non trepidauit, cum mors pulsaret ANNÆ

PROGRAMMA.

præpotentissimæ regalem sedem? quis, EA amissa, non circumspexit noui roboris præsidium? quis in GEORGII virtute ac sapientia non collocauit fiduciam? quis non extulit luctu fatigatum caput, cum BRITANNOS certare amore, affectu, fide in nouum REGEM animaduerneret? cum transfretare augustum ELECTOREM audiret? cum pleno ab omnibus ore laudari, expeti consilio, diligi communi consensu obseruaret? Tanta sane est veritatis vis, tantum virtutis lumen, tanta elegantia consensio, vt caligo & luctus ab omnium oculis fugiat, si tot sese bona in animos oculosque subiectorum ingerant, atque hi vicissim Dominum suum lenitatis, ac regiae prudentia insignibus ornatum in perpetua laudis atque imperii possessione stabiliant. Cuius lætitiæ communitio vt ad vniuersum Europæ orbem; ita ad Germaniam, patriam nobis semper charissimam, pertinet, & ipsum IMPERATOREM fummosque Imperii PRINCIPES inque primis Serenissimum Borussia REGEM, generum magni REGIS, Dominum nostrum longe clementissimum contingit: quorum omnium gaudiis Musæ Fridericianæ suas quoque acclama-

PROGRAMMA.

mationes haud immerito addunt, & ameno
centu augent, multisque modis amplifi-
cant. Et harum partes, cum perillustris ma-
gnæque spei IUVVENIS CAROLVS LVDOLPHVS
Liber Baro DE DANCKELMAN & PRANGIN
illustrissimi PARENTIS dignissimus FILIVS tum
suo, tum Academiae nostræ nomine in se sus-
cipere cogitaret; eo maxime die illas sibi sub-
eundas iudicavit, quo Serenissimi ac Potentis-
simi REGIS GEORGII natalem LVI. tot
nationes ac populi grata mente recolunt, &
tantæ felicitatis atque elegantiae memores fin-
cerissima vota litant, ac pro incolumitate
Principis Deo orbique dilecti preces ardentis-
simas ad cœlum emittunt. Non est nostrum,
occupare ORATORIS limatissimi prædicatio-
nes: ibit is per omnia ætatis, quam fortunato
cursu transegit PRINCEPS optimus, stadia,
virtutum venustissimarum exemplis distincta,
sapientiæ ac fortitudinis ornamentis locuple-
rata. Quidquid in Eduardis magnificum, quid-
quid in Richardis gloriosum, quidquid in Hen-
ricis prægrande, quidquid in Wilhelmis singu-
lare, quidquid denique in Welpis eminens
atque pulerum, in vno, quem omnes venera-
mur,

PROGRAMMA.

MUR, **GEORGIO** Europæe libertatis **SERVA-**
TORE enitebit.

Tantum precamur illustrissimum **PARENTEM**,
Regiminis, quod est in Ducatu Magdeburgico,
PRÆSIDEM grauissimum, **Dominum** Musis no-
stris semper benignum, vt sacris, in quibus **FILIVS**
in spem patriæ familiæque nobilissimæ succre-
fcens vota ore disertissimo præbit, posthabi-
tis aliis negotiis, benevole interfit, eoque præ-
sentia sua cum aliis, qui hic viuunt, variorum
collegiorum **CONSILIARIIS** excellentissimis
augustiora quodammodo efficiat. Quorum
exemplum vt illustrissimi **COMITES**, **BARONES**
idem veterrima profapia florentes, **IUVENES**
nobilitate generis præcellentes, **CONSVLES**,
SENATORES, **MYSTÆ**, **DOCTORES**, **CIVES** cra-
stina luce hora X. prompte imitentur obnixè
atque officiose rogamus. Dignus est **REX**
inclytus, cui, Europæe bono, faueant Numina,
militet æther, & coniuurati ad classica venti
veniant: dignus **ELECTOR PRINCEPS**, qui
æternum perennet, & Europæe libertatem,
suis otium, hostibus terrorem procuret.

P. P. Halæ Magdeburgicæ vi. Ka-
lendas Iunias c1010cc xv.



ODE.



Vem summo posuit culmine glo-
riæ,
Insignem diademate,
Aurato rutilum fronte GEORGIVM
Æterni bonitas Dei,
Vt sceptro *Britones*, ac moderamine,
Bellaces *Caledonios*,
Hibernosque suo duceret asperos,
Et cani maris accolas;
Hunc REGEM meritis laudibus euehis,
DANCKELMANNE, GEORGIVM,
Facundoque styli flumine conficis,
Hunc REGEM *Diademati*

Adie-

Adiecisse *decus*, non *Diademate*

Accepisse suum *decus*

Cunctis marmoribus longe perennius.

Audax Iapeti genus,

Cui nil difficile est, nil nimis arduum,

Fertur per vetitum nefas,

Et regnum variis artibus impetit.

Occlusis Iouis auribus,

Perfringunt Stygiæ septa Proserpinæ :

Quod si blanditiæ, doli,

Nil prodesse velint; toxica regis

Miscentur tetra vasculis.

Mortes, insidiæ, supplicium, fuga,

Vis, ac sæua necessitas,

Enses innumeri, tela nocentia,

Et districtus acinaces

Circumstant folium Regis, & irruunt;

Intentamque *Tyrannidem*,

Quam condit pietas, texit *hypocrisis*,

Regis vestibus induunt.

O Fati

O Fati miseri fors lacrymabilis!

Cum sunt regna *Neronibus*,

Infansque breui subdita *Commodis*,

Monstrisue *Heliogabalis*.

Pestis, bella, fames, dira pericula,

Non sic interitum cient

Humano generi, quam cito barbarus

Rex multis regionibus.

Collætare TVO REGE GEORGIO,

Gaude Magna Britannia!

Qui dum *Saxonica* natus origine

Antiquum repetit decus,

Anglos ad veterem ducit *originem*,

Ac virtutibus efficit, —

Vt tantum anteat MAGNA BRITANNIA

Externis ditionibus,

Quantum, qui medio vertice sidera

Tangit, collibus Imaus;

Aut quantum exiguis Caucasus imminet

Immenso tumulis iugo.

Inui-

Inuicto integritas, vita **GEORGIO**,

REGI vita **GEORGIO!**

Quam non tollat edax tempus, & inuidæ

Parcæ non refecet manus.

Ætatemque valens innumerabili

Annorum serie trahat;

Vt fera aspiciat germina *stemmatis*,

Florentemque *Britanniam*,

Laudatus populis diuitis *India*,

Vi, virtute, potentia,

Occultis & *Afris*, & sitientibus

Mauris, ac trucibus *Getis*.

IOHANNES PHILIPPVS HEINIVS PROF.

Composuit



Gb 1633.

4^o


ULB Halle 3
001 611 763



20

n. c.





NATALEM LVI
SERENISSIMI POTENTISSIMIQUE PRINCIPIS
AC DOMINI DOMINI

GEORGII

MAGNÆ BRITANNIÆ, FRANCIÆ ET
HIBERNIÆ REGIS
DVCIS BRVNSVICENSIS ET LVNEBVRGENSIS
S. ROMANI IMPERII ELECTORIS ATQVE ARCHI-
THESAURARI

REGIS ET DOMINI MVLTQ INDVLGENTISSIMI
RECTORE MAGNIFICENTISSIMO
SERENISSIMO PRINCIPE AC DOMINO DOMINO

CAROLO

PRINCIPE BORVSSIÆ MARCHIONE BRANDENBVR-
BVRGICO DVCE MAGDEBVRGI CLIVIÆ IVLIACI MON-
TIVM STETINI POMERANIÆ CASSVBIORVM
VINIDORVM CETERA

DOMINO NOSTRO CLEMENTISSIMO
PERILLVSTRIS IUVENIS

CAROLVS LVDOLPHVS

LIBER BARO DE DANCKELMAN

ET PRANGIN

V. KALENDAS IVNIAS

DEMISSISSIME GRATVLABVNDVS CELEBRABIT
AD QVOD SOLENNE OFFICIVM
OFFICIOSE ET PERHVMANITER

INVITAT

ACADEMIÆ PRO-RECTOR

IOANNES SPERLETTE

POTENTISSIMI BORVSSIÆ REGIS CONSILIARIVS COLONIÆ
GALLICÆ DIRECTOR ET PHILOSOPHIÆ PRACTICÆ PROFESSOR
ORDINARIVS.

HALÆ MAGDEBVRGICÆ,
Litteris CHRISTIANI HENCKELII, Acad. Typogr.

